

223864

劉賓客集

中華書局印行



劉賓客文集

28855

四部備要

集部

上海中華書局據劉氏刻
本校刊

杭縣	杭縣	桐鄉
丁輔之	吳汝霖	陸費逵
監造	輯校	總勘

版權所有不許翻印

劉賓客文集卷第一

正議大夫檢校禮部尙書兼太子賓客贈兵部尙書劉禹錫

賦

閩大鈎賦

砥石賦

楚望賦

傷往賦

何卜賦

謫九年賦

望賦

山陽城賦

秋聲賦

問大鈞賦并序

始余失臺卽爲刺史又貶州司馬俟罪朗州三見閬月人咸謂數之極理當遷焉因作謫九年賦以自贖是歲臘月詔追明年自闕下重領遼山郡印綬人咸曰美惡周必復第行無恤歲杪其復乎居三年不得調歲二月有事于社前一曰致齋孤居慮靜懣念欲起伊人理之不可以曉也將質諸神乎謹貢誠範精敬問大鈞其夕有遇寤而次第其詞以爲賦

國方相函告浩其無現宿冥翕關今走三辰以騰振執主張是令有其神迎
隨不見今殄名之曰大鈞載以臨下今魏今雄尊天爲獨陽高不可問工居其
中與人差近耳執其權心平其運循名想像斯可以詔曰噲蒙之未生其猶泥
耳落乎堦墮唯鈞所指怒然爲人爲幸大矣工賦其形七情與俱奮奮不撓異
之以愚坦坦之衝萬人所趨蒙一布武化爲畏途人或^平之百說徒虛人或
排之半言有餘物壯則老乃唯其常否終則傾亦不可長老先期而驟至今否
踰數而巨量雖一夫之不獲今亦大化之攸病謹薦誠上問今僥伏以聽是夕
寢熟夢遊今無何有之擲抗墜級于重霄今異人聞之景光中有威神令金甲
而燁煌額之使前令其音現現曰吾大化之一工也居上臨下廉其不平汝今
有辭吾一以聽播形肖貌生類積億乘萬圍匡鎔鍊消息我之司智初不爾奮
不守以愚覆爲汝駭既賦汝形輔之聰明盍求世師黃適牧宜胡然抗拒志還想
前烈倚椅青冥舉足斯跌韜爾智斧無爲自伐鑿竅太繁天和乃洩利逕前誘
多遽覆轍名腸內煎外火非熱今哀汝窮將厚汝愚剝去剛健納之柔濡塞前
竅之傷嘆兮招太和而與居恕以待人今愚以自拘遺存遠奧無示四隅軋物

劉賓客文集 卷一

垂精者吳矣我居其中猶輪是蹈以不息爲體以日漸爲道便鋪黃走蓬莖也
卑乃牙乃甲乃殲乃剖陽榮陰悴生濡死蕞各乘氣化不以意造賊大運兮無
有淑慝彼多方兮自生醜好爾奚不德余以驍壯姑尤我以速老邪觀汝百爲
又或不然赤子哇哇急其能言亦既名物幾時踴躍春耕其丘投種之日釋耒
而歎何時實粟望所未至謂余舒舒欲其久留謂我譬如我一子二誰之曲歟
彼蕞蕞之蒼蒼兮霜霰苦而中堅松竹之戰兢索纒兮不若耕筍之可憐納材
革而構明堂兮固容消而力完揚且之哲兮不可以常然當錫爾以老成蒼眉
皓髯山立時行去敵氣與秋色令嗟危言以端誠俾人望之侮黷不生爾之所
得孰與壯多不善處老問余而何受教而回遽遽形開嚮之威神孰爲來哉乃
遽衣促盥端盧綠想委俚低簪持鐔叩顙而言曰楚臣天問不訓今臣過幸一
獻三售始厚以愚終期以壽忘上問之罪濯已然之咎心憎故衎腹飽新授馳
神清玄拜手稽首

砥石賦

南方氣泄而雨淫地隱而傷物暵神噴淫淪色壞味雖金之堅亦失恆性始余有佩刀甚良至是灑不可拔剖其室乃出潮陽眇眇傳刃蒙春鱗然如瘡痂如黑子如青蠅之惡銳氣中錮猶人被病然客有聞焉裹密石以遺子沃之草腴雜以魚膏切麋下上真質焯見躊躇四顧迴案周切爾謝客微子之貽幾幾吾寶客曰吾聞諸梅福曰爵祿者天下之砥石也高皇帝所以殫世磨鈍有是耶余退感其言作砥石賦

我有利金兮以利爲僞土卑而壓作兮雄銑爲之潛晦如果昏而銹既兮與肌漆而爲癩顧秋瑾之不可割兮尙可遊乎體體之外利物蒙蔽材人憫悵俾百汰之至精播一檢而多恙豈害氣之獨然兮將久不試而然彼屠者之刃兮獵者之鏃不灌不淬兮揉錯銜鉛日鼓月揮兮割膜擊鮮曜燿燿以耀芒蘄淫夷而騰羶豈不涉暑而蒙慘兮鼎用之而成斯有客自東遺余越砥圭形石質蒼色賦理刻其鱗皴滑以滑羶如衣澁垢如鼎出否霽盡披天萍開見水拭寒

發以破聲擊清音而振耳故態復還實心再起既賦形而終用一蒙垢焉何恥感利鈍之有時今寄雄心於睨視嗟乎石以砥礪化鈍爲利法以砥礪化愚爲智武王得之商俗以厚高帝得之傑材以湊得既有自失豈無因漢氏以還三光景分隨道關快用之得人五百餘年唐風始振懸此天砥以勸兆民播生在天成器在君天爲物天君爲人天安有執礪世之具而患乎無賢歟

楚望賦 并序

予既謫于武陵其地故郢之裔邑與夜郎諸夷錯雜繫乎天者陰伏陽騁是已繫乎人者風巫氣盛是已霧浮浮于樓居城之麗譙實鄰所舍四垂無蔽萬景全入因道其遠邇所得爲楚望賦云

異軫之野祝融司方陰迫而專專實生沱天濡而累土洩而泥氣罕淑清令淫氣墮墮中人支體令爲瘴爲瘴以廣滌煩令利居高于物外我卜我居于城之隅宛在落落離離渠四阿垂空洞戶發樞扉子不運坐陵虛無歲更周流時極慘舒萬象起滅森來貺予樞軒之外羣山龍嵒岡陵靡陀勢若相拱出雲見怪窮蔚森聳露夕霞朝望如飛動管廛之下大江傾洞支流合輪泄入雲夢義和望舒出沒兩涯涵泳之族聳牙歎呀秋水灌盈旋石飄沙流枹軒昂舞于盤渦逮及收潦澹如醴醴白石磷磷倒影羅生蘋末風起有文無聲悠遠煙絲與空蒼然湘沅之春先令而行臘月寒盡溫風發榮土膏如濡言鳥嚶嚶三星曙其曉中植物蠅以顯英雲歸高唐草蔽洞庭日與天盡神將化并圓方相涵遊氣含冥照蕩蕩藻飾羣形林樹童立積空凝青環洲曲塘含景曜明陔台之氣發于春季步夏如鑠遠秋愈熾土山焦熬止水灑沸翔禽跼蹐呀喑垂翅蟻赫歔蒸騰極反陰二儀交精上下相散雲與天際歔若車蓋凝暄未曉瀾瀾澤澤露雷雷出火燭木康碎殷地熱空萬夫皆廢懸霧縹緲日中見昧移晷而收野無完塊少陰之中景物激鮮丹葉星房燭耀川原夕月既望曜于丹泉上鏡下冰湔塵濯煙煙麗潛生獨行高躋皓一氣之悠然潔有形而溢清玄香微明而斐斐想遊目於化先後無朕以徂征金霞暈乎海壖明星方揚斜漢西懸鬱鬱如隨半沈層瀾難咽嘶而晨鳴今日在再以騰品動植矚今已分山川鬱乎不

平復人寰之喧卑洵浩浩以營營追向時之景光不可驟得以再更意華胥之夢遺獨仿像而馳精日次子房天未降霜百卉猶澤水泉收脈故道脫實創衍爲廣斥水禽嬉戲引吭伸翻紛驚鳴而決起拾綵翠于沙礫時時北風振楊揚埃蕭修邊聲與雁俱來寒氣委積萬數交激楚雲改容飛雨凝瀟灑林遽舉淅瀝梢梢飛電照雪以騰光柔蔬傲霜而秀坼驪珠氣川谷異宜民生其閑俗鬼言表招三閭以成德德伏波而構祠投鉅救反以鼓櫓秦鍾鈞而如儀燭木親深望秋澤之新年往瀟瀟微祇威靈鼓肆筵河旁水湄薦載致祝却略蹠蹠踞踞諸居蠶食大掩水物習張餌唱不可遁伏顯舉潛結晝撞夜觸設機沈深如拾于陸彼遊儻之瑣類咸跳脫於窘束雖三趾與六眸時或加乎一目亦有輕舟軒輕泛浮枕綸往復馴駘相逐暮夜激寂嘯歌羣徒偕音偃蹇幽怨委曲逗疏析於江城引哀猿於山木巢山之徒梓木開田灼龜伺澤兆食而燔鬱攸起于農阿騰絳氣而蔽天熏歇雨濡賴垂林蕭蕭盜天和而藉地勢諒無勞而有年罷士閑人逸爲末作求金渚湊洩汰瀟瀟流注瀾沱光熠燿食買來資發於懷握無異而飛潤于豐屋啣耕耘之悵悵徒解脫以自鞠我處層軒日星回還閱天數而視民風百態變見乎其間非耳剿以腹說今固幽采而縱觀觀物之餘遂觀我生何廣覆與厚載豈有形而無情高莫高令九閭遠莫遠今故園舟有楫令車有轄江山坐今不可越吾又安知其所如悅臨高以觀物

傷往賦 并序

人之所以取貴於飛走者情也而誕者以遺情爲智豈至言耶予授室九年而鯨痛若人之天闊弗遠也作賦以傷之冀夫覽者有以增伉儷之重云
數獨處之悵悵令懷伊人之我遺情可殺而猶毒境當數而復悲人或朝歎而暮思夫何越月而逾時太極運乎三辰轉寒暑而下馳有歸於無令感復于衰猶味爽之必暮又安得而怨容我今怨夫若人今曾旭旦而潛曜飄零日及之尊日及也猶生事倏忽蜂蟬之衣川走下而不還露迎陽而易晞恩已甚令難絕見無期今承思我行其野農民桑者舉校來籬亦在林下我觀于途裨販

之夫同荷均單荆布襦羽毛之著鱗介之微和鳴濯蕤雙泳漣漪薨薨伊最
露露伊多遊空穴深雨兩相比何動類之萬殊必雄雌而與俱物莫失儼以孤
虞我方蹢躅而焉如我復虛室目淒涼兮心伊鬱兮將語誰坐匡牀兮
撫嬰兒何所勾沐兮何從仰給襦袴在身兮昔園差跌驚蕤附臂兮餘獲蕤
誠天性之潛感顧童心兮如疑曉然有難繼之慕漠然減好弄之姿指遺柱兮
能認邇空帷兮欲歸我入疑宮痛人亡兮物改其容寶瑟僵兮弦柱絕瑤臺傾
令鏡塵空寒釧委灰虛幌多風隙隙晨轉窗蟾夜通步搖昏兮網黏翡翠芳褥
掩令塵化黃蜚闌刀尺之餘澤見巾箱之故封玩服儼兮猶具繁華謝兮焉從
想翻謹於是非求隱翠與冥蒙信奇術之可致嗟此生兮不逢徒注視以寂聽
恍神疲而目窮還抱影以獨出紛百哀而攻中系曰

龍門風霜苦別鶴哀鳴夜銜羽吳江波浪深離劍一去無遺音悲之來兮憤予
心洶如行波潄潄淒淒緣情而莫極思執禮以自箴已焉哉萬萬生死悠悠古
今乘彼一氣兮聚散相尋或鼓而興或罷而沈以無涯之情愛悼不駐之光陰
諒自迷其有分徒終怨於匪忱彼蒙莊兮何人予獨累歎而長吟

何卜賦

余既幻惑力命之說兮身久放而愈疑心回穴其莫曉兮將取質夫東龜楚人
俗巫而好術兮更復有醫卜而來思乃招而祝之曰噫人莫不塞有時而通伊我
今久而愈窮人莫不病有時而閑伊我今久而滋蔓吾聞人宵五行動止有則
四時轉續變於所極一歲之單人思具丹三月之熱人思具裘極必反焉其猶
合符于首圓而足方予腹陰而背陽胡形象之有肖而變化之殊常經曰劍極
則責居實而未嘗劍者其誰否極受泰居否而未嘗泰者又其誰獨胡不截覺
胡不裨慶何勤而踴躍何功而扶持紛紜交作舛馳似予似奪似信似
欺孰主張之問于子龜卜者曰招我以粗問我以微有天下之是非有人人之
是非在此為美兮在彼為丑或昔而成或今而虧君問曷由主張其時乎時
乎去不可邀來不可逃淹淹兮孰拾孰操烏噪之毒重難首之黷毛各於其時
而伯其曹屠龍之伎非曰不偉時無所用莫若履繩作備之工非曰可珍時

有所用貴於斯輪絡首磨足今驢不能踰跬前無所阻今跛驚千里同涉于川
其時在風沿者之吉沂者之凶同藝于野其時在澤伊墮之利乃繆之厄故曰
是耶非耶主者時耶諒淑惡之同出兮顧所丁之若何夫如是得非我美失非
我恥其去易思其來易期姑蹈常而俟之夫何卜為言訖執龜而起予退而作
何卜賦於是蹈道之心一而俟時之志堅內視羣疑猶冰釋然

謫九年賦

古稱思婦已歷九秋未必有是舉為深愁莫高者天莫濤者泉推以極數無踰
九焉伊我之謫至於數極長沙之悲三倍其時廷尉不調行當鼓而天有吳蜀
閭餘三變朝有者續明幽三見顧亮之明令亦昏墊而有數數息今倘倖登高
高兮望蒼蒼突弁之夫我來始黃合抱之木我來猶芒山增昔容水改故坊童
者鬱鬱兮而潤者洋洋天覆地生蒼兮無傷彼族而居鄉之投荒彼軒而遊昨
日析楊信及澤濡俄然復常稽天道與人紀咸一值而一起去無久而不還芬
無久而不理何吾道之一窮兮實九年而猶爾噫不可得而知庸詎得而悲苟
變化之莫及兮又安用夫肖天地之形為

望賦

邈不語兮臨風境自外兮感從中晦明轉續兮八極鴻濛上下交氣兮羣生異
容發孤照於十眸驚遐情乎太空物乘化兮多象人遇時兮不同嗟乎有目者
必騁望以盡意當望者必緣情而感時有待者瞿瞿忘懷者熙熙慮深者瞭然
若喪學極者沖然無遠外徙倚其如一中糾紛兮若迷望如何其望最樂時慶
霄兮邁阿閣如雲兮天顏咫尺如草兮臣心踊躍扇交翟兮歲難旗升龍兮蟻
略日轉黃道天開碧落凝瑞景於庭樹樹非煙於殿幕望如何其望且懼登瀛
岸兮見長安紛擾擾兮紅塵合鬱蔥蔥兮佳氣盤池象遠兮昭回城依斗兮闌
干群御史之驥馬逐倖臣之金丸望如何其望攸好宗萬靈兮越四隩漢帝仙
臺兮泰皇海嶠覽衣踊于河上馬跡窮于越微紫氣度關而斐聲神光屬天而
照耀睨眷眷以馳精望專專而觀妙望如何其望有形視羣羣兮窮冥冥楚塞
氛惡兮蕭關燧明暈龍孤月兮角奮長庚沙多似雪積有疑城煙雲非女子之

氣草木盡王者之兵等夷榮之虛響破來騎之先聲信有得於風馬示無言於
旆旌望如何其望且暮恩意隔今年光度難覓已辭令金屋何處長信草生今
長門日暮優翠華之儻來仰玄天以自訴沉復湘水無遠漳河空注淚染枝葉
香餘統素風蕭蕭令北渚波煙漠漠令西陵樹夫不歸令江上石子可見令秦
原墓拍琴翻朔塞之音挾瑟指邯鄲之路望如何其望最傷侯環玦令思帝鄉
龍門不見令雲霧蒼蒼喬木何許令山高水長春之氣令悅萬族獨含嘯令千
里目秋之景令懸清光偏結憤令九回腸差環拱於白榆惜馳驅於落桑涼衝
斗令誰見伊戴盆令何望^平豈止蘇武在胡管寧浮海送飛鴻之滅沒附陰火
之光彩鶴頸長引爲頭未改恨已極令平原空起何時令在山東永望如何傷
懷孔多降將有依風之感宮人成憶月之歌歌曰張衡側身愁思久王粲登樓
日回首不作渭濱垂釣臣羞爲洛陽拜塵友

山陽城賦 并序

山陽故城遺趾數維四百之運終於此墟奇孫作賦蓋閑漢也詞曰
我止行車實涕于山陽之墟是何蒼莽與慘悴春陵之氣今焉如歸昌運於四
百辭至尊而伍匹夫有利器而倒持令曾何芒刃之足舒懿王迹之肇基暨坤
維之再敷邀汜陽與鄴上倪蛇變而龍蹕痛人亡而事替終此地焉忽諸嗟乎
積是爲治積非成虐文景之欲處身以約播其德莽迄武乃獲桓靈之欲縱心
於昏然其妖駭遠獻而焚彼伊周不世令奸雄乘釁而騰振物象離以易位被
虛號而陽尊終勢殫而事去胡竊揖讓以爲文嗚呼維神器之至重今蓋如山
之不審使人得譬乎逐鹿固健步者所先諒人事之云爾孰云當塗之兆也自
天亂曰久矣莫可追陞彼墟兮噫嘻踴遺武兮貽後王之元龜

秋聲賦 并序

相國中山公賦秋聲以屬天官太常伯唱和俱絕然皆得時行道之餘興猶動
光陰之歎況伊鬱老病者乎吟之斐然以寄孤憤
碧天如水兮官宦悠悠百蟲迎莫兮萬葉吟秋欲辭林而蕭颯潛命侶以嘯嗽
送將歸兮臨水非吾土兮登樓曉枝多露蟬之思夕草起寒蟬之愁至若松竹

令韻梧楸蚤脫驚綺疏之曉吹墮碧砌之涼月念塞外之征行顧關中之廢屑
夜蛩鳴令機杼促朔鴈叫令音書絕遠杵續令何冷冷虛窗靜令空切切如吟
如嘯非竹非絲當自然之宮徵動終歲之別離廢井苔合荒園露滋草蒼蒼令
人寂寂樹撼撼令蟲吟吟則有安石風流巨源多可平六符而佐主施九流而
自我猶復感陰蟲之鳴軒歎涼葉之初墮異宋玉之悲傷覺潘郎之么麼嗟乎
驥伏櫪而已老鷹在韝而有情聆朔風而心動盼天賴而神驚力將瘳今足受
維猶奮迅于秋聲

劉賓客文集卷第一

劉賓客文集卷第二

碑上

代郡開國公王氏先廟碑

彭陽侯令孤氏先廟碑

高陵縣令劉君遺愛碑

故吏部侍郎奚公神道碑

代郡開國公王氏先廟碑

唐制五等有爵服而無山川登于三事得立四廟備物崇祀以交神明敬先報本以輔孝治有國之令典也維長慶三年前相國王公始卜廟于西京崇業里公時鎮劍南東川上章曰臣涯官秩印綬品俱第三請如式以奉宗廟制曰可是歲仲冬申命長男孟堅附其主于三室明年公入爲御史大夫復以十二月躬行祭開歲公出梁州就拜司空禮崇異數廟加祀室大和二年增新室既成附顯考于尊位告舉由禮觀之者以爲世程第一室曰上儀同齊州別駕府君諱元政以妣博陵崔氏配第二室曰湖州安吉縣令贈尚書刑部員外郎府君諱實以妣贈扶風縣太君馬氏配第三室曰朝散大夫青州司馬贈戶部侍郎府君諱祚以妣贈武威郡太夫人賈氏配第四室曰溫州刺史贈太尉府君諱冕以妣贈魯國太夫人博陵崔氏配初周靈王太子晉遇浮丘公化爲神仙時人號曰王家其後遂以命氏顯於秦者曰藉三世將秦師子孫分居晉代開東漢有徵君霸霸孫甲亦號徵君徙居祁縣爲著姓故至千今爲太原人自漢涉魏益以熾昌凡十葉至後魏度支尚書廣陽侯固廣陽有二子神念神感神念南奔梁神感北仕齊惟儀同府君廣陽侯五代孫也唐興于太原實從義旗佐成王業故有開府儀同之寵惟刑部府君以功臣子理二邑不躋貴仕故有錫美後大之祥惟戶部府君幼孤以孝聞於鄉曲未冠以文售於有司由前進士補延州臨安縣主簿會詔徵賢良策在甲科授瀛州競陵尉歲滿遷渭南天后在神都而東轡差重遂由渭南轉河陽適逢建萬象神宮旬內更分置其役因上書切諫絲是名益聞開元初以大理司直馳軺車聯轡大獄問焉朔漢所

至決平蚤以樂報傷生晚成劇恙樂就夷曠故不至大官惟太尉府君生於治平時以文學自奮年十有五貴然從秋賦明年春升名于司徒又一年玄宗御層樓殺德音懸文詞政術科以爲魁士府君策最高擢太常寺太祝未幾復以能通德南華沖虛三真經進整屋尉天寶中歷右拾遺左補闕禮部司馬二外郎屬曲陵亂華遣兵南服因佐閩粵改檢校比部郎中行軍司馬時中原甫寧江南爲吉地二千石多用名德乃以府君牧溫州朝廷虛公卿以俟高第及聞計承嘉人較春龍社播神聞以不淑相弔焉難位負于道而邁德垂矩後之人得以繼承不揚之其儲休啓祐有自云爾生三子皆聰明絕人長曰昭以神童仕至檢校禮部郎中次曰潔以奇文仕至國子司業今代郡公實季子也蚤在文士籍射策連中咸世其家貞元中德宗聞其名自藍田尉召入禁中視草殿後三典書命再參內廷憲宗器之付以國柄翊贊有違難冊免常居大僚今年自梁州請親上恩用舊臣爲羽儀遂領太常其公府如故以一心事六君顯官重務靡不揚歷且夫起諸生至三公而心愈卑道益廣出授黃鉞以伯諸侯入服華章以謁家廟追崇極大位血食備多室享全榮而奉昭薦嗚呼公侯之孝歟宜書廟器以視喬公之三鼎其辭曰

彭陽侯令孤氏先廟碑

今上元年七月十三日汴州刺史宣武軍節度副大使知節度事汴宋毫等州觀察處置使銀青光祿大夫檢校禮部尚書兼御史大夫上柱國彭陽縣開國伯令孤公西遷拜章上實守臣楚蒙被恩遷列爲元侯得立家廟以奉祭祀制

書下其奏于有司於是善相考詳得地于京師通濟里居無何新廟成公以守藩故甲命季弟監察御史定卜牲練日越八月丁亥附饗三室增墻以尚曲設帷以迎精禮無尤違神用事證第一室曰秦州上邦縣尉諱濤以妣太原王氏配第二室曰絳州昌明縣令贈吏部尚書諱崇亮以妣贈太原郡夫人河東柳氏配第三室曰太原府功曹參軍贈太子太保諱承簡以妣贈魏國太夫人富春孫氏配明年十月公由浚郊以介圭入覲真拜戶部尚書進爵為當侯既辭戎旌得以列侯謁三廟是歲南至上不視朝又得以時展祭先期致齋栗然以敬既齋盡志欽然永思奉其百順陳以具物始躋而虔恭終獻而沈瀾既卒事顧闡牲之石宜有刊紀乃傳家老授其謀于所知云令狐晉邑也晉大夫魏顓以輔氏之功始封焉其易名曰文國語所謂令狐文子是已其先周文王之昭畢公高之裔畢萬為晉卿始封于魏自萬至顓蓋四世其後三十七世藍田侯糾仕拓跋魏為熒煌郡太守子孫因家遂占數為郡人藍田之孫熙在隋為納言惟上邦府君納言之玄孫道克肯而位不至惟尚書府君西州之右族光未耀而德已基惟太保府君志為君子儒以經明居上第調補陽安縣主簿歷正平尉汾州司法參軍陝州大都督府兵曹終于太原府首揀始以顯經進既仕旁通百家愛穀梁子清而婉左丘明國語辨而工司馬遷史記文而不華咸手筆朱墨究其微旨惟傳以肥家信誼以急人德充齒耄獨享天爵故休祐集于身後徽章流乎佳城凡以子貴承澤降命書告第者始贈尚書祠部郎中再贈禮部尚書三加右僕射四為今稱一作四進太保五為上公先夫人亦四徙封璫印疊疊邦族俾慕生三子皆才彭陽公為嗣次子從端實肅給今為檢校膳部郎中參河東軍事季子前所謂監察御史今主柱下方書溫敏而有文緯綽然真令兄弟唯彭陽以詞筆取科名累參侍從由博士主尚書牋奏典內外書命遂登樞衡言文章者以為冠擁節總戎率身和衆留惠于盟津變風于浚都言方略者以為能夫浚師嘆嗒難治乘輿竊發邊成習俗莅止五載飲和革心東馬來朝熊羆隕涕問公還期鴈必祝之留為常伯旋命居守汴人聞公之東近而愈懷想翹望望西其首言遺愛者可紀焉貴而率禮老而能慕休惕乎霜露齋莊乎

廟祀睦其仲季施及鄉黨言孝悌者歸厚焉勒名于碑以代夷鼎文曰已孤之孝莫如備物顯顯新廟四阿三室時惟仲月卜用柔日醴醴苾苾牲脰博膾遵顓在堂蕭蕭在庭孝孫承烝躬若奉盃低簪委紳薦俎登銅幹蠶交感涕流緣繆禮以備儀誠以致美祖考來格錫之丕祉工祝告訖退循軒阬乃授風人作詩以紀猗猗彭陽之寵光佐肅皇穆皇西省東臺迭為侍郎國之大政容爾平章敬宗凝旒俾鎮難丘入為地官令守東周彭陽之忠厚宜介福以壽東郊既釐可復朝右緣緣其青系于周舊由我顯起必昌其後大和紀元作廟之首刻碑廟門龍集己酉

高陵縣令劉君遺愛碑

縣內之大夫鮮有遺愛在其去者蓋邑居多豪政出權道非有卓然異績結于人心決于骨髓安能久而愈思大和四年高陵人李士清等六十三人思前令劉君之德詣縣請金石刻縣令以狀申府府以狀考于明法吏更上言謹按寶應詔書凡以政績將立碑者其具所紀之文上尚書考功有司考其詞宜有紀者乃奏明年八月庚午詔曰可今書其章明有以結人心者揭于道周云涇水東行注白渠陂而為三以沃關中故秦人常得善歲按水部式決洩有時畎澮有度居上游者不得擁泉而顯其腴每歲少尹一人行視之以誅不式兵興已還喪失根本涇陽人果擁而顯之公取全流浸原為畦私開四瀆澤不及下涇田獨肥宅邑為枯地力既移地征如初人或赴訴泣迎尹馬而占涇之腴皆權倖家榮勢足以破理斷者獲得罪緣是咋舌不敢言吞冤街忽家視孫子長慶三年高陵令劉君勵精吏治視人之瘼如瘰疽在身不忘決去乃循故事考式文暨前後詔條又以新意請更水道入于我里請杜私賣使無棄流請還田令使無越制別白纖悉列上便宜據吏依違不決居二歲距寶曆元年端士鄭單為京兆秋九月始具以聞事下丞相御史御史屬元谷實司察視持詔詣白渠上盡得利病還奏青規中上以谷奉使有狀乃俾太常撰日京兆下其符司錄姚康士曹據李紹實成之縣主簿談肅直實董之冬十月百衆雲奔憤與喜并口誦手運不屑鼓鼓撥功什七八而涇陽人以奇計賂術士上言曰白渠下

高祖故墅在焉子孫當恭敬不宜以春鋪近阡陌上聞命京兆立止絕君馳詣
府控告具發其以賂致前事又謁丞相請以賴血汚車茵丞相彭原公敏容謝
曰明府真愛人陛下視元元無所怙第末周知情傷耳即入言上前翌日果有
詔許訖役仲冬新渠成涉季冬二日新堰成獻流渾渾如脈宜氣萬荒渠冒迎
報澤澤音開塞分寸皆如詔條有秋之期投鋪前定謂直告已事君率其寮將
勞休之桑徒讓呼舊襪而舞咸曰吞恨六十年明府雪之獨姦犯豪卒就施
爲嗚呼成功之難也如是請名渠曰劉公而名堰曰彭城按服引而東千七百
步其廣四尋而深半之兩涯夾植杞柳萬本下垂根以作固上生材以備用仍
歲旱珍而渠下田獨有秋渠成之明年涇陽三原二邑中又攤其衝爲七堰以
折水勢使下流不厚君詰京兆索言之府命從事蘇特至水濱盡撤不當攤者
錄是邑人享其具利生子以劉名之君諱仁師字行與彭城人武德名臣刑部
尚書德威之五代孫大曆中詩人商之猶子少時好文學亦以善畫干東諸侯
遂參幕府歷尹劇縣皆以能事見防率不時而還既有續干高陵縣昭應令俄
兼檢校水曹外郎充渠堰副使且錫朱衣銀章計相愛其能表爲檢校屯田郎
中兼侍御史乾地鹽于蒲錫紫衣金章歲餘以課就加司勳正郎中執法理人
爲循吏理財爲能臣一出於清白故也先是高陵人蒙被惠風而惜於捨去發
于胸懷播爲聲詩今采其旨而變其詞志于石文曰

涇之水之遠地溉我公今及我私水無心今人多僻錮上游今乾我澤時達理
今官得材墨綬蒙令劉君來能愛人今恤其隱心既公今言既盡縣中府今府
聞天積憤劇令沈痾痊劉新渠今百畝流行龍蛇今止膏油遵水式今復田制
無荒區今有良歲嗟劉君今去翔翔遺我福今幸我賜紀成功今鑄美石求信
詞今昭聲績

唐故朝議郎守尚書吏部侍郎上柱國賜紫金魚袋贈司空公神道
碑

嗚呼有唐清臣尚書吏部侍郎梁公貞元十五年十月甲子薨于位詔贈禮部
尚書太常考行諡曰某是歲臘月丁酉葬于萬年縣之某原後三十有四年子

爲諸侯爲大夫門戶有煒於是門下生琢石紀德揚于新阡云

公諱陟字殷衡其先在夏爲車正以功封于薛下故以降爲薛郡人或因仕適
楚復之秦今爲京兆人隋唐之際再世以明經爲博士家有賜書曾祖蘭亦以
文學爲太子司議郎大父乾鐸仕至光州刺史烈考諱某有道而尚晦終徐州
司功參軍贈和州刺史由子貴也天以大運生萬物而以正氣鍾賢人至和來
宅其德乃具公實有焉幼而擢陵若之秀長而成清廟之器羣倫月旦咸以第
一流處之及從鄉賦暨升名太常果居上第四年詔郡國徵賢良設四科以盡
材公居文詞清麗之目授弘文館校書郎時德宗新即位聲恒厲庭西戎畏威
底貢內附詔諫議大夫崔河圖持節即虜帳以報之使臣欲威其賓寮以自大
遂囑表公爲介換大理評事除書到門公方爲人子不敢許以遠稱病弗果行
歸寧書春養志盡敬丞相楊炎勇於用才擢公爲左拾遺奉安與而西未幾再
集茶蓼居後喪將闋是歲建中四年京師急變黃屋顛動狩于巴梁公徒行閒
道以歸王所既中月而詔授起居郎充翰林學士創鉅愈遲病不拜職改太子
司議郎從大駕回入尚書爲司金元士且參權衡之務有頃持慈冊宣恩于荆
門將行錫銀朱於青蒲上復命稱旨轉吏部外郎是曹在南宮爲眉目在選士
爲司命公執直筆閣簿書紛紜盤錯一瞬而到時文昌缺左右丞都曹差重遂
轉左司郎中尋遷中書舍人執事者鑒公識精以斟酌大政非獨用文飾也會
江淮閒民被水禍上恩焉特命公宣撫之時以便宜及物赤車所至如東風變
枯條其利病復奏咸可轉刑部侍郎時主計臣延齡以險刻責倖而與京兆尹
相惡以危事中之尹坐譴已又連繫其吏峻絕之事下司寇主奏議者欲文致
而甘心焉公侃然持平挫彼嚴嚴君子聞之善其知道不私刑曹既清以餘力
兼領選事居一年授權知吏部侍郎又一年即真是秩言能審官者本朝有裴
馬盧李四君子物論以公矯焉時得疾發難有國醫方直禁中上促遣如第且
敕之曰某賢臣也悉術以治之及有司以不起聞上震悼加等公娶琅琊王氏
石泉公之曾孫女婿皆一時彥士長子某蚤不稔第二子敬則歷太僕少卿今
爲濮州刺史兼御史中丞賜金紫以廉最就加貴秩俸視九卿第三子敬玄以

詞義似續登文科歷左補闕今爲尚書刑部郎中第四子昆舉進士最小子某
咸砥礪其儔宜爲名家子其遺德垂裕之光乎公少以名器自任及顯達急
於推賢視其所舉則在西省薦權丞相由右史掌訓詞在中銓表揚僕射由地
曹郎綜吏部二公後爲天下偉人凡執文章權衡以擢量多士一入中禁考策
詞三在天官第章句披沙剖璞由我而顯者落落然居多推是風鑒移于大治
則銓鑑之內無非祥金嗟乎天不退其福而孤民望使由庚之什不作於貞元
中惜也初公既齊終詔贈大宗伯後以第三子在郎位被霽澤再追褒至司空
故昔之葬儀用常伯而今之碑制用三公云銘曰

仁麟智龍爲瑞一辰未若君子瑞于人倫惟唐德宗道類漢宣實繩下風稜
言言公丁斯時藉在舊賢從難表節執羈而還帝曰汝器黃流瑟然可爲大僚
左右化源乃飾王度乃馳轄軒既執刑柄亦操吏權陽和熙熙貯在顏闕守法
持正疑如秋山火不侵玉倖臣畏伏鳳鳴祥煙桑噪低銓帝方倚用天不假年
公瘞無瘳其名愈遠門人達者赤烏玄哀公居甚卑其德愈尊兩子朝服駢驅
朱輪佳城何在賣貴之里竊首龜趺惠燁是紀嗚呼後人下拜于此

劉賓客文集卷第二

劉賓客文集卷第三

碑中

唐故福建都團練觀察使薛公神道碑

許州文宣王新廟碑

唐故兼御史中丞贈太師崔公神道碑

唐故宣歙池都團練觀察使王公神道碑

唐故鄆寧節度使史公神道碑

唐故福建等州都團練觀察處置使福州刺史兼侍御史中丞贈左散

騎常侍薛公神道碑

薛在三代爲侯國介子鄒魯開傳世三十有一爲齊所并其公子奔楚錫土田千沛漢末避仇之成都曹魏平蜀徙家汾陰遂爲河東臨晉人自雲仲爲夏車服大夫距今數千年乘軒服冕爲奕冠世官氏族者署爲關內甲姓天意若曰始有功於車服錫爾子孫世有之公諱審字某曾祖寶胤以名家子且有學行歷尚書郎雍州司馬鄆州刺史王父繪有傳材刺三郡金密縣皆以治聞累遷至銀青光祿大夫封龍門侯烈考承矩以文亡嘗仕至大理丞公幼承前人之覆露補崇文生歲滿得調主簿書于毫之譙苦二邑又尉于東畿之河清貞元中上方與丞相調兵食思得通吏治而習邊事者計相以公爲對乃授監察御史裏行充京兆水運使局居鴈門主數糧具舟楫募勇壯且便弓矢者爲榜夫子有餘人隸尺籍伍符制如舟師詔以中貴人護之聲震塞上每發粟沂河北行涉戎落以饋緣邊諸軍及乘障者雖河塞回遠必克期如合符一歲中省費萬計累加侍御史內供奉賜緋魚袋有司條白其勞入拜殿內史未幾淮海節將以戎倖缺聞事下丞相御史擇可者食曰公政事已試遠授檢校戶部外郎兼御史淮南軍司馬轉轉駕部郎中錫以金紫過府還申命真相趙國公帶中書侍郎代之公至行臺留務趙公文茵及境視置郵供慢及郊視將迎部伍下車視簾幃器備乃曰信奇才也此不足以展驥朝廷知之權爲泗濱守既報政就加御史中丞俄遷福建都團練觀察使聞有負海之饒其民悍而俗鬼居

洞壑家梓後者與華官不通公兼戎索以治之五州民咸說元和十年某月某日薨于位年六十七贈左散騎常侍夫人趙郡李氏無兒登世繼夫人蕭西李氏檢校禮部尚書河東節度使說之女生子凝爲嗣季子茂弘以諸侯禮儀返葬故里娥眉原從周也後二十有三年元曰開成凝爲平盧從事謹按甲令葬碑石來乞詞以垂于悠久初公治果于朝歷恩方冠惠文冠察行馬外事聆風相厚謂可妻也以元女歸之明年愚入尚書爲郎職諫計司因白計相召公來會府行有日矣遇內律惟新愚以錄坐左貶開關外授竟不克面然而公之德善灌注心耳孝悌爲根抵誠明梗葉之直方爲天質種讓錄飾之所至焉然錄此道也公初下世故人丞相李太師諱其墓其略曰弘深莊重幹教絕人此與遊者傳信之詞也豈輕也哉故作銘曰

河汾蕭淪鼎氣散雲散爲昌光凝爲賢人常侍之生其宗孔碩從祖昆弟說說三百文館入仕曲龍未光尺木爲階歟然欲翔司會知材讀宣朔方邊師萬候俟我應權派于黃河路出戎疆基乃勇士卓衣挽航膚索臂孤宮虛在旁虞聞公名懼不敢據安北以南列城相望率有儲待皆成金湯入居殿中分巡葦下淮海軍大往爲司馬軍中之治可移諸民乃牧子泗乃廉于閭閻悍而豐夷風胞恩厚信綏之安然如盤閭方不淑天奪其福公薨于孌女賴以復天王廢朝贈之金貂華蓋厚輿矣中條大墓舊阡松檟蕭蕭節鼓以歸德音孔昭

許州文宣王新廟碑

歲在丙辰元日開成許州牧尚書杜公作文宣王廟學舍于兌隅草故而鼎新也前年公受社與銳且董淮陽汝南之師八月上下釋某于宣父之室陋宇荒階不足回旋已事而敵乃詢黃髮有鄉先生前致辭曰自茲起曲陸許爲兵衝連戰交梓卒無寧歲耳悅鉅鼓不聞弦歌自不知書不審爲智爾來生聚教養起居相習盡出於軍容今幸天子憐許民爲擇賢侯此人思治之時也公曰諾吾當先優之於是元年脩戎律以通衆志次年成郡政以蠲民瘼季年築教本以厚民風我言既從乃卜新宮瀕水之瀕城地在東登登其杵坎坎其斧繩之墨之繫枘枝榘載載繪繪設設虛虛廟弘敞齊官嚴闕軒擗廡廊儼雅

清溪門庭牆切望之生敬外飾軀校中設輔輟明當宇用王禮也竟頭馬身
華冠象佩之容取之自鄒魯及門都與偶形畫像之儀取之自太學尊彝通豆
青黃規矩之器兼周禮也犧牲制幣薦獻陞降之節遵國章也藏經于重檐教
器于度禮講筵有位鼓篋有室授經有博士督課有助教指蹤有役夫灑掃有
廟幹公又劉隙地爲廣園時其柔蔬而常蒔有蓄之繁備捨己俸爲子錢餽其
羣羣而鹽酪缸膏之用給濟濟莘莘化行風靡家慕恭儉戶知敬讓父誨其子
兄規其弟不遊學堂與撻市同絲是摩勇爵戴鸞冠者往往弭雄姿而觀習禮
粉甲青者知根於忠信服緩胡者不敢侮達被教化之移人也如置郵焉冬十
一月許人以新儒宮成來告且乞詞欲行乎遠也公名悖字永裕故丞相岐國
公之孫岐公弼諸三帝碩學冠天下著書二百餘篇言禮樂刑政古今損益
統名曰通典藏在石室副行人閱今孝孫率脩之刑乎事業播于聲詩懿哉能
世其家也馮錫昔年泰岐公門下生四參公府近年牧汝州道許昌躬閱其政
故不得讓遂銘于麗牲之碑銘曰

許分韓魏四征之地兵興已還其闢顯顯亦有儒宮軋于兵閒賢侯民止思樂
泮水俾人嚮學王化之始便地爰相新規鬱起廟貌斯嚴堂煌有煒秩秩禮物
和祁肅子入于門牆如造關里春誦夏弦載颺淑聲風于閭閻浹于郊坰途讓
斑白家尊父兄與化而還其猶性成昔之委巷相詬交侮今達親戚不道嫌語
昔之連營誇力使酒今遇賓客敘容拱手魯有泮林爲章其音許崇學教民說
其教鐫于圭石以志新廟

唐故朝散大夫檢校尚書吏部郎中兼御史中丞賜紫金魚袋清河縣
開國男贈太師崔公神道碑

太師名倬字某清河東武城人太公望既封于營丘子伋嗣侯伋之孫曰穆伯
食邑于崔遂以爲氏後十四世至秦末東萊侯意如東萊之子伯基始居清河
又十五葉生琰爲魏名臣又九葉生休仕後魏爲七兵尚書七兵之第曰寅爲
樂安太守公即樂安八代孫始以門子補鄭州參軍力行好學於子道以孝聞
處伯仲間以友聞讀易至編絕以精義聞至德中戎羯猖獗王師出征公少

奇志思因時以自奮乃作伐鯨鯢賦上獻既聞爾矣果器之會第五丞相以善
言利得幸盡付利權始有鹽鐵使之目慎選寮屬表公爲介轉臨晉縣丞建繁
應卒銓刃不頓府罷再遷至太子司議郎轉晉公時爲戶部侍郎掌邦賦急於
用材薦公爲監察御史主河東租庸之務尋轉侍御史充京東平糧使建中初
德宗始親萬幾儲精治本有漢宣與我共理之數謂大臣求可當良二千石者
遂以公帶本官權知冀州刺史期月有成詔書顯揚就加真秩益以金紫居無
何轉晉公爲丞相制國用思公前績乃傳召之抵京師授檢校戶部郎中兼侍
御史幹池鹽于蒲脩牢盆護衛石煎和既精鉛散乃盈商通而薦至吏懼而循
法民不結網而國用益饒歲祲會其所入歲羨什百詔下褒其能轉吏部正郎
兼御史中丞且加五等之爵方倚以重任天富其材而不遐其福享齡六十有
五貞元七年某月某日遘疾終于治所上聞悼之因降恩冊贈鄭州刺史賻錢
三百萬以備飾終之禮明年某月某日返葬于成周之偃師從世墓也累贈至
太師夫人龐西李氏汾州司倉參軍成一之女生才子六人長曰邵及公時已
爲左拾遺後至太常次曰鄭至太府卿次曰鄭至外臺尚書次曰鄭今爲廷尉
次曰鄭至執金吾季曰鄭今爲太常卿同中書門下平章事惟夫人姑滅冠族
以積業組訓輔佐君子爲令妻積三十餘年以慈儉忠厚訓誡諸子爲賢母二
十有三年當承貞初順宗踐阼澤流自葉長子邵時爲詞臣草冊書以文當進
階遂上疏乞移榮於親優詔允之特封清河郡太君士林榮慕皆自痛其不及
邵爲太常鄭爲大農咸白髮貴綬以奉膳脩諸季各以警蹻給事左右愉愉然
先意無違言世榮者舉無與比以子貴累封贈至涼國太夫人元和八年三月
十六日捐館舍壽七十有九是歲十月某日合祔惟太常及尚書暨今相國皆
自中書舍人爲禮部侍郎凡五貢賢能書得士百四十有八人言兄弟者許爲
人瑞崔氏之門六人皆入文昌宮其間三人歷八侍郎統而論之三大卿兩連
率二翰林學士一執金吾言冠冕者許爲世雄與姑滅李范陽盧世爲婚嬖入
于烟黨無第二流言門閥者許爲時表太常二子亦以才能同入尚書璫爲吏
部郎璫爲司勳郎其支孫未登金閣藉者號然魚貫而進文業甚似而李

謹不哀荷數君子之澤其所從來遠而有光乎開成己未歲七月甲辰相君受
詔于明庭始操國柄仲月奉書事于家禮成起慕情然永懷曰古者卿大夫廟
有鼎彝有碑皆銘之以紀先德也今備位宰相敢不數前人之耿光乃俾家老
條白事功咨於學古者徵其詞尚信也又命宗祝卜柔日告于廟靈誠也儀甚
備而敬有餘斯所謂達禮之君子遂刊勒如式揭于道周銘曰

奕奕四姓崔爲之冠瞻其門牆倬若雲漢晉積家肥子孫多材如彼棟棟必生
徂徠太公之後彌二千祀炳如貫珠燁見圖史顯顯太師丕承德基構于其堂
亦既暨茨生逢艱虞戎夏交師獻賦伐叛忠存乎詞兵與事兼飛輓四馳歷踐
劇職視屯如夷乃主平糴乃分竹使治粟爲邦其道一致蒲實近地鹽爲利泓
使車來恩刻弊立程更廉商通歲倍其贏奏謀連最德音襲明就加執法好爵
兼榮天賦之才不與壽并生樹德本沒揚淑聲上聞軫懷俯樂爲停贈禮之禮
俸于公卿萬古貽訓根於孝友太丘種德乃終身後家有令子妻爲壽母三十
餘年人倫之道六子來侍如龍如虎衆婦來饋維筐及筐佩玉鳴環交響庭戶
申申秩秩歡不踰矩昔爲甲族今爲與門天爵人爵蔚然兩尊先德隆之歎如
重雲孕和含粹濯潤本根景毫之原圖書之川陽陵帝壇旁碑回環世安其神
世嗣其賢聆德風者拜于碑前

唐故宣歙池等州都團練觀察處置使宣州刺史兼御史中丞贈左散
騎常侍王公神道碑

常侍諱質字華卿始得姓自周靈王太子晉賓天而仙時人曰王子因去姬爲
王氏自秦漢以還世多顯名由今而上十有一代名傑仕元魏爲并州刺史子
孫因家遂爲太原祁人并州六代孫名通字仲淹在隋朝諸儒唯通能明王道
隱居白牛谿游其門皆天下儒傑著書行於世既沒謚曰文中子文中生福祚
爲蔡州上蔡主簿上蔡生勉舉進士微賢員皆上第仕至河中府寶鼎令寶鼎
即公之曾祖也祖諱怡渝州司戶參軍考諱潛揚州天長縣丞贈尚書吏部郎
中公其季子也始文中先生有重名於隋末其弟績亦以有道顯于國初自號
東臯子文章高逸傳乎人間議者謂見以大中立言第游方外遂性二百年間

君子稱之雖四夷亦聞其名字公雅有遠志常自付度我大名之後不宜無見
焉遂力學厚自淬琢於春秋得其公是於禮得之約僑居澠水上躬督穡事
積於已而進楚閭羣彥多與之游公歎然自少無進取意與游者激之曰卿文
儒家子篤志如是盡求發聞去俾家聲不頹今夫以文學洋洋當世者誰如華
卿庸自棄邪入謀于閨門咸以外官爲是因決策而西在貢士籍天和內充不

以時銜屑意角逐攻取初無此心如梗枿生于深林未始自貴而度材者一眄
歆然在懷故以不爭而速售既登第東諸侯交辟之從主者書記于嶺南授正
字參謀于淮右進協律郎其後佐許下暨梓潼南梁率爲上介官至兼監察御
史司憲聞其賢徵入南臺轉殿內歷侍御史改尚書戶部外郎復爲知己所薦
遷檢校司封郎中攝御史中丞紫衣金章充山南西道節度副使入爲尚書戶
部郎中以方雅特立除諫議大夫會宋丞相坐猶直爲飛語所陷抱不測之罪
大僚進言無益公率諫官數輩日晏伏閣上爲不時開便殿公於旅進中獨感
激雪涕居多由是上怒稍解得從輕比公終以言責爲憂求爲號州刺史幸相
惜去又重遣誠請增之以兼御史中丞用示異於人也大凡以智謀而進者有
時而衰以朴厚而知者無迹而固公雅爲今揚州牧贊皇公所知人不見其迹
方在號略贊皇入相權爲左曹給事中凡有大官缺必薦薦居數月遷河南尹
又未幾鎮宛陵是三者中外所注意不旬歲而周歷之時論不以爲黨河南帝
之別京其治尚體度風采而別白區處之宣城國之興壤其治在東更惠下蘇
經羣賢判輕而勞役澄汰之公兩得其道不由一揆率身以儉而素風存任人
以誠而羣務舉遇中貴人以禮而故態革內潔其志下盡其忠外無以撓於理
三者具求政之有裨焉由我在鎮三載開成元年十二月八日薨于位享年六
十三監軍使上官有詔軫悼不視朝贈左散騎常侍明年八月十一日葬于河
南府永寧縣洛川鄉史原從舊阡也初公娶于榮陽鄭氏生三女而沒公蓋附
焉一子曰慶存方亂矣猶子前太原府參軍扶執宗長書來請曰扶也益孤荷
世父常侍之覆簪今其嗣幼未任克家姑封奉書司管鑰以俟其長竊懼世父
之德音不數思有以垂于後者以誠告于從叔大司農復命曰俞謹專貞石以

乞詞無忽余昔爲郎與常侍同列已熟其行實及讀墓誌卽今丞相益州牧趙郡李公之文自稱爲忘形友其在宣州李公再入相議以第一官處之牢讓不取燕鴈所禮則河東裴夷直天水趙晉鼎西李行方吳郡陸紹梁國劉實博陵崔珣人咸曰得士夫揚州少與也而見器益州寡合也而見親六從事材不一也而舉樂用是足以觀德庸可勿紀焉銘曰

隋有文中紹數微言當時偉人咸出其門粹氣紆餘鍾于後昆常侍恂恂文中來孫發原高麗中泳後大蘭芽茁然秀出義奮善不近名其聲日彰行勇於退其道愈光哲者知之實如周行以正持憲以文爲郎以和佐戎以惠臨邦以直司諫以公較正守千三川頑民底定乃鎮于宣先馳淑聲邑中婆娑矚我旆旌問誰詢謀濟濟君子問誰出內深潔廉士道本乎心暢于四支治本乎正形千百爲黠吏敏于齊民揚眉江淮數空夜析弗施公臥于蕭邦民懷懷公衣升屋邦民行哭牙璋斯來柳嬰言旋棠樹未老周人墓焉龍耳之陽決決洛川佳城在茲既固且安松楸懸然石馬矯然過者必敬宛陵之阡

唐故鄆寧慶等州節度觀察使朝散大夫檢校戶部尚書兼御史大夫賜紫金魚袋贈右僕射史公神道碑

僕射名季章字得仁本北方之強世雄朔野其後因仕中國遂爲靈武建康人曾祖道德贈右散騎常侍封懷澤郡王祖周洛銀青光祿大夫檢校太常卿兼御史中丞北海郡王贈太子太保考憲誠蓋以武勇絕人積功至魏博節度使終于河中晉絳慈隰等州節度觀察使檢校司徒兼侍中河中尹贈太保其薨也大臣中書令晉國公裴氏爲之碑其名益顯公卽侍中之元子母曰冀國夫人李氏幼而聰慧父母賢而加愛焉及長好學遂善秀出儕輩鄉下諸兒號爲書生元和中太尉愬爲魏帥下令掄才於轅門取大將軍翹秀者爲子弟軍列于諸校之上公獨昌言願效文職太尉深奇之遂假魏州大都督府參軍長慶二年常山衆叛害其帥沂國公田司徒於帳下沂公發遣于魏人猶懷之詔命其子布以尚書授魏兵開罪于北疆且報家禍布既啓行士氣不振煥然內潰獨與兄從之旅偃旗而歸百懷攻中卒自引決先侍中時爲中軍都知兵

馬使兼御史中丞全師在野闢然推戴之請爲假侯以鎮定中貴人飛駟上聞穆宗夜召翰林學士草詔書以真侯命之實有魏土從衆而合權也是歲公自攝官轉本府士曹參軍兼監察御史賜朱衣銀印推恩以及子也一旦跪於父母前進苦言曰臣竊惟大河之北地雄兵精而天下賢士心侮之目曰河朔關視猶夷狄何也蓋有土者多乘兵機際會非以義取今臣家父侯母封化爲貴門君恩至矣非痛折節礪行彰信於朝廷無以弭識者之譏諍明君之意節著於外福延于家乘時蹈機禍不旋踵言訖泣下數行父俞母贊天性交感三心既叶萬衆潛化天子聞而嘉之曰彼真有子乃授檢校太子左諭德兼侍御史充節度副使累遷至散騎常侍兼御史大夫賜金印紫綬既貳軍政事如命卿弛張損益得以參決潛草故態人知綱方大和二年滄景節度使李全略卒其子同捷竊據故地詔下以文告弗草遂用大刑先侍中表請率先諸侯使元子以督戰制曰可公承君父之命乃捐其軀一舉而下平原壓滄臺由是加工部尚書及王師凱旋上表願一職承明廬詔允之遂赴北闕下得觀於便殿上曰嚮吾始征滄州議者皆曰彼魏之姻也慮陰爲寇謀吾發使數輩以偵之其還也僉曰爾父灑然於賓筵爾母抗詞于簾下願絕姻以立效其經始發出于爾心今滄海底平策勳之日宜貴爾三族命爾父爲侍中遷鎮于近地加爾禮部尚書析相衛潼三州爲鎮以居之俾爾一門大榮以誇天下公拜稽首謝父遷讓己辭禮無違者翌日詔下于明庭人咸曰史氏之寵光古無有也牙旗碧幢方指東道侍中以慢下生變聞奏極而否當歌而哭迎柩于路仰天長號因葬于洛陽之邙山冀國夫人附焉寢苦枕塊以所仇同天爲大酷未幾詔舉金革之義起爲右金吾將軍累表陳乞有司以違命督之與疾卽路聞歲權授鄴坊丹延等州節度觀察處置等使居四年遷鎮于滑一歲入爲右領軍衛大將軍旋改右金吾大將軍又授鉞于鄆土孟秋至治所首冬連疾拜章入覲不克展和營像草之儀薨于墳茔里之私第享齡三十九當開成三年十月二十日上聞而悼之不視朝一日贈尚書右僕射明年二月歸葬于洛都夫人張郭王氏氏附焉繼室深澤縣君博陵崔氏有一子曰煥生七年而孤僕射之喪自復魄

至葬當門戶備祭祀建碑表皆縣君之能且命其家老具事功來請曰養不恤家而憂幼嗣不知其先人之官業乞詞以傳于後也君子以爲知禮謹書之銘

曰

斗極之下峽峒播氣鍾于侍中孔武且貴奉上致命宜昌後嗣僕射承之夏弓不墜耳煩鉦鼓心說文字虎穴之中生此麒麟大和紀元滄景不度子弄父兵跳踉海壖有鄰陰交靖起難運詔下薄伐良隅騷然時惟侍中實統魏師書銳未發衆心危疑僕射爲子陳謀盡詞與言涕零有感尊慈絕姻效節精實神祇滄波底寧王師憂之乃遷元侯來鎮近畿乃胙元子別建旌麾一門四節焜耀當時倏忽變生魏郊紛披喬木雖大盲風不知干雲之臺列缺焚之哀哀孝嗣丁此大酷迎護轉轉葬于東洛訴天觸地血染縑服禮有金革詔書敦促不遂枕戈驟膺推轂雕陰白馬暨于邠谷雖榮三鎮不荷百祿綺紈之閑珪組疊疊如彼晨葩日中而萎有妻名家有子穉齒行號執禮歸空萬里洛水之陽循邛之趾昭尊穆敬幽顯同理舊松新柏亦象橋梓刻石紀功垂千萬祀

劉賓客文集卷第三

